



Agency for Development of Higher Education and Quality Assurance

U novembru praktične obuke stručnjaka

Nakon provedene uvodne, teorijske obuke za stručnjake koji ocjenjuju i obavljaju reviziju kvaliteta i daju preporuke o akreditaciji visokoškolskih ustanova i studijskih programa u julu i septembru ove godine, Agencija za razvoj visokog obrazovanja i osiguranje kvaliteta započinje seriju praktičnih obuka za stručnjake

Početak obuka predviđen je za mjesec novembar, a planirani termini su svakog utorka i četvrtka u prostorijama Agencije ili na drugoj dogovorenoj lokaciji. Obuka će se odvijati u vidu radionica u manjim grupama koje će činiti 5 stručnjaka, članova komisije i to 3 predstavnika akademske zajednice u BiH, 1 predstavnik privrede i prakse i 1 predstavnik studenata. Rad radionice je zamišljen kao simulacija konkretne posjete visokoškolskoj ustanovi, gdje će osoblje Sektora za osiguranje kvaliteta imati ulogu rukovodstva visokoškolske ustanove s kojima će stručnjaci diskutirati i procijeniti ispunjenost kriterija za akreditaciju na osnovu prethodno dostavljenog samoevaluacijskog izvještaja. Na temelju diskusije i analize ispunjenosti kriterija stručnjaci će sastaviti izvještaj o eksternoj evaluaciji sa konkretnim preporukama za unapređenje kvaliteta

Svakom stručnjaku će najmanje 10 dana prije datuma održavanja radionice elektronskom poštom biti upućen poziv sa sljedećim sadržajem:

1. Obavještenje o imenovanju u komisiju
2. Samoevaluacijski izvještaj (nepostojeće) visokoškolske ustanove za trening, koji je pripremila Agencija po Kriterijima za akreditaciju visokoškolskih ustanova u BiH
3. Smjernice uz Kriterije za akreditaciju visokoškolskih ustanova u BiH,
4. Uputstvo za eksternu evaluaciju,
5. Kontakt adrese stručnjaka u komisiji radi međusobnog kontakta i dogovora
6. Instrukcije da:
 - najmanje 5 dana prije radionice osoblju Sektora za osiguranje kvaliteta putem elektronske pošte potvrde dolazak na radionicu, i po potrebi zatraže dodatne informacije koje će im olakšati angažman u komisiji
 - ostvare međusobni kontakt i načelno dogovore smjernice djelovanja. Poželjno je da prodiskutiraju samoevaluacijski izvještaj prije dolaska na radionicu.

Sve neophodne informacije biće objavljene na web stranici Agencije za razvoj visokog obrazovanja i osiguranje kvaliteta.

<http://hea.gov.ba/kvalitet/obuke/?id=1191>